



Iech möchte itze gar net allis aufzähl, des stand ja aa schu bestns in unnern Amts - Auerschbargblatt. Aber aans möcht iech noch drwähne: Des, was mir vor Gahrn schu mol hattn – e klaans Programm mit ortseichne Leit un nor lustign Aasoch, des ham mir diesmol wieder versucht. Des war e Aafang, den mir zur nächsten Märchnweihnacht mit Talentern aus alln Ortstaaln fortsetzn kenne, des haaßt, wenn hoffntlich alle mietzenne!

Ne besonnern feine, besinnliche Weihnachtsstimmung is an Obnd durch unnern grußn Posaunecho aufkumme. Des wars dann, iech frei miech schu auf 2019. Eier Schmidt!



Blattl-Fotos: R. Tittel, P. Müller, Schmidt, H. Pansch, Internet freie clips, EHV- Archiv

FAHRDIENST

Wer am 10.01.2019 zum Hutznobnd und auch wieder heim gefahren werden will, der möchte bitte anrufen:

Rainer Tittel, Tel.: 2740

Sollte der Fahrdiensthabende nicht gleich erreichbar sein, dann bitte öfter anrufen – ruhig auch schon ein oder zwei Tage vorher !!!



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
166

Mitteilungsblatt des
Erzgebirgischen Heimatvereines
Eibenstock e.V.

Januar
2019



*Gesundheit und alles Gute
im Neuen Jahr wünschen wir all
unseren Mitgliedern und Freunden!*

Rimharturne in dare Näss!

Itze is for dies Gahr die Sach erscht emol vorbei. Aber im FrieHgahr sölls schu wieder wetter gieh, saat mei Fraa. „Un du giehst aa wieder mit!“ Mit wos is wetter gieh söll? Nu mit den Akwa – Fitness. Also, des hat mit Fit vun Aufwaschn nicht ze tu. Iech vorsuch des emol ze ieber-setzn:

Im – Wasser – Daamlich - Imharhuppn & Planschn. Des söll halfn, des mr gelenklich blebt! Un des geht su lus: Do stieht de Aufpasserin un Vürturnerin vorne vorn Beckn. Dann gieht moderne Musik aa.

Un dann soocht se ganz laut, des ja aa jeder - aa die siech nooch hintn vorzugn ham - vorstieht:

„Mir-dschockn!!!“

Do mußte of dr Stell rimhartrampfn un esu tu, als öb de fortrenne willst. Noocherts fängt se aa, mit ihre Arme ze wedeln – mol rauf, mol runner, rieber un nieber, vu vorne nooch hintn un imgekehrt, mol schneller un kräftischer, mol langsamer un zarter, un des in enn fort. Des müssn allezam nooch-machn. Immer, wenn e Liedl vorbei is, schreit se laut: „Arme ausschittln un wetter dschockn!“ Su gieht des ne gammerlich lange Stund lang. Iech guck ganz naabnbei immer mol of de Uhr, wieviel Zeit mr schu wag ham, aber die Ploocherei will aafach ka End namme, un suwos bezohlt aa noch de Kranknkass!

Zwischndurch soocht se aa, des mr mol de Baa braat machen un wieder zamnamme, oder aa die Dinger owachslnd nooch vorne un hintn wirbln sölln. Wenn se uns besonnensch ärchern will, dann ruft se: „Itze allis nooch hintn!“, kaum bist de in dr richtchn Richtung, haaßts wiede nooch vorne.

Wir gratulieren unseren Heimatfreunden

Ulli Limpert	am 06.01.	zum 62. Geburtstag
Brigitte Jung	am 08.01.	zum 65. Geburtstag
Viola Heinz	am 10.01.	zum 53. Geburtstag
Matthias Barth	am 17.01.	zum 62. Geburtstag
Uwe Staab	am 22.01.	zum 57. Geburtstag
Ute Haese	am 24.01.	zum 71. Geburtstag
Martina Wiech	am 25.01.	zum 61. Geburtstag
Andrea Barth	am 27.01.	zum 60. Geburtstag
Siegfried Schmidt	am 27.01.	zum 80. Geburtstag
Bärbel Radecker	am 29.01.	zum 72. Geburtstag



*Jeder, der sich die Fähigkeit erhält,
Schönes zu erkennen,
wird nie alt werden.
(F. Kafka)*

**Dr 1. Hutznobnd
in neie Gahr
mit Kassenbericht und
Ausblick
am Donnerstag,
10. 01. 2019, 18.00 Uhr
Im Vereinshaus**

...un bein nächstn Mol is aa schu wieder

F o s n d

aagesaat :

an Donnerstag, ne 7. Februar 2019,

- wie immer, 18.00 Uhr -

im Vereinshaus

Aaputzn net vorgassn - un wenss när e Hfütl is!

De vorregnte Märchenweihnacht

Freitichobnd im Sechse: „Is wird gelei rengen.“ „Quatsch, im MDR ham se gesaat, erscht höchstns an Sunntich, un do is noch net raus, öbs wirklich rengt.“ „Is treppt schu!“ „Des bissl macht nicht, is hert glei wieder auf!“ „Is wird aber immer meh!“ „Itze rengts aber wirklich, aber när, weil du dauernd drvu redst!“ Egal,



öb die zwee sich nu wagn den nassn Zeich nei de Haar kricht ham, is is wirklich mol derber, mol nieslicher vun Himml runner kumme. Un kaaner kunnt do wos drfier! Gar viel Leit wie annere Gahr warn an Freitich net grad do wagn den bleedn Watter. När de Musik vu de Horsless Riders – des is englisch un haaßt su ugefahr

of gut deitsch: Reiter uhne Pfaar – was aa immer des bedeitn mooch. Schiene Musik ham se wieder gemacht, die hat uns un de Gäst vun Weihnachtsmarkt bei Laune gehaltn Dr Sunnobnd war wenichstns uhne Regn, när ganz zen Obnd zu hats wieder aagefange. Su konnt dr Märchnimzuch in Trockne laafn. Aber zeerscht gabs noch ne Meldung, des de Falknstaaner



Schalmeie net kumme, weil die fast alle de Grippe hätt. Aber durch de Johannstädter Bläser un unnern gutn bloskräftign Posanechor is des gar net esu aufgefalln. Do warn aa gelei viel Leit bei dr Pyramid ringsrim im ne Kirchplatz gestandn un ham de Märchn ordlich begrießt. Un su schie gings mit ne Imzuch durch unner Stadtl un noocherts auf unnern Markt wetter.



Des gieht e schiens paar mol un dann lacht se noch hämisch un schickt uns noch rieber un nieber, immer im Wachs! Ze guter Letzt was mr gar nimmer, wu vorne oder hintn is. Is schennste is dann noch, wenn se ugefahr nooch ner halbn Stund sölche gefahrling Dinger austalt:

Des sei Plasteschaumstoffdrangsaliergeräter, kurze oder aa gammerlich lange dicke Nudln, die en is Labn in den nassn Wasser noch schwarer machen! Un des söll gesund un aa noch Spaß machn? Iech bi jedsmol fruh, wenn dr Zeicher ne Stund wetter aazeicht, do genne mir dann noch ne Weil nei de klaane Sauna – des is su e Stiebl, wus racht schie warm drinne is un mr zen Schwitzn kimmt. Endlich mol uhne die viele Wasserbrie! Des Haisl is ja eingtlich for de Kinner gedacht, desserwagn werd do aa immer mol zwischndurch e Märchn iebn Lautspracher eigespielt. Meestns issis „Hänsel un Gretl“, aber eweng ganz annersch drzählt. Des kenne mir itze schu auswendich. Dann giehts Duschn, des mr des Klorgerüchl vun Bodwasser wieder wag kricht. Zeletzt giehts halt wieder mit ne Auto eham. Meestns namme mir noch e paar Weibsn vu den Kurs mit in unnern Renoo-Auto.

Vor kurzin war när mei Schwächern mitgefahrn un hamzu saat mei Fraa, is is ja noch net spät, mir kenntn ja drwagn bei uns drham e Glasl Sekt trinkn. Gesaat - getaa – mir sei bis zr Haustür gefahrn un ausgestiegn. Iech ho schu de Haustür aufgemacht, aber de Schwächern tat noch im Kofferraiml rimhaarkrame un in ihrer Bodtasch wühln un noocherts noch aufn Autositz allis otastn. „Wos suchste dä?“ „Iech such mei Armbanduhr un die is nirgnds ze finden! Die muss iech in dr Imklaadkabine liegn gelessn ham!“ „Nu do miss mr halt noch emol hinner nein Saunabod fahrn, öb se jemand gefundn hat“, saat mei Fraa. Iech bi drweil nei de Stub gange un ho schu mol in Sekt samt Gläser gehult.

Die zwee Weiber sei also lus, an Postplatz war de Ampl auf Rut, su des se wartn mustn. Do freecht mei Fraa: „Wie gruß is dä die Uhr, wie sieht se dä aus?“ „Nu su hier!“ Se schibt ihrn Ärmel eweng nauf un schreit: „Ach du lieber Himml – do isse doch!“ „Des glaab iech itze net, ieberol suchst de die Uhr un do hast se de ganze Zeit an dein Arm, un aa noch annen richtschn!“ Die Zwee kunntn vor Lachn kaum imkehrn un ham siech när esu gebugn. Is hat alleweil gedauert, bis se mir drham - immer noch vor Lachn - die Sach drzähln kunntn! Su Durchenanner werd mr abn bei dare Planscherei, des hat mr noocherts drvu! Bis zen nächstn Mol, ganz uhne Wasser -

eier Schmidt

Is Auer Tol in Eimstock?



Dr Auftakt zu unnerer Weihnacht war diemol e Mischmasch (iech wollt net Potporri schreibn, des paßt ja net zu unnerer Sproch) aus alln bekanntn Weihnachtsliedle, do kunntn aa gelei alle mit eistimme. Unner Lothar war eweng ieberrascht, wu iech ne vür zitiert hob zen Singe, aber dar hat ja des Ganze einglich vorzappt. De Zamstellung un de Texte hat dar nämlich



noch vun Eimstocker Männerchor drham gehatt un die Sach mir esu vürgeschlogn – när iech hob des mitn Ralph dann eigefaadt, uhne den noch emol Beschaad ze gabn. Aber mir ham des, wie mr su su soocht, ausn Hut ganz gut hiekrich. Des war ja aa blus de Eistimmung aufn Obnd, de Hauptsach kam ja dann später: Is Auer Tol in Eimstock – gieht dä des? Un ob, des war ne richtig gute Weihnachtsstimmung in unnerer Mitt! Mit ihrn schenn arzgebirgschn Liedgut ham se

unnere Leit bezeitn zen Mitsinge begeistert. Allis, wos zr Weihnacht gehert, wurd vu dene Maadle gesunge un gespielt. Zwischndurch wurn aa noche paar lustiche Geschichtn oder Gedichtle aagesaat. Unner Hans aus dr Schennaad konnt do mit seine Gedichtle vürtrefflich mithaltn un hat des Programm ausn Auer Tol ordnlich bereichert.



Is drstaunlichste for miehch war, des allezam im Saal mitgesunge un geschunklt ham – un vor alln – ganz aufmerksam zugehert un de Guschn gehaltn ham, denn su gehert siech des. Is war aa schu mannichsmol annersch, aber is gieht doch: mr hat ja in ganzn Obnd noch Zeit, im mitenanner is Neiste austratschn ze kenne.



Dies Gahr warn mir wiedermol im Spartnheim an dr Vudlstroß bein Jürgen eigekehr. Dar hat siech alle Müh gabn, allesamt gut ze vorsorgn. De Rolladn warn gruß, de Kließ eweng klaa, aber vu däne gobs ja



genuch drvu. Is Auer Tol war ieberrascht, des se aa ewos klaans ze Assn un ze trinken kricht ham, aber des gehert siech nu mol, hob iech mir gedacht, des is arzgebirgsche Sitt. Mir hattn ja aa noch, wie schu in vorgangne Gahr, de Weibsn vun Fraun- un Maadletreff mit eige-



gelodn un bewirt, als Danke-schön for ihre Müh, unnere Hutznobnde mit guter Asserei un Trinkerei ze vorsorgn. Iech glaab, dene hats aa wieder bei uns gefalln. Ach ja, schiene Packle gabs ja dann aa noch im Tausch for Jedn! Na dann - bis zr nächstn Weihnachtsfeier 2019:

E ganz harzlichs Glück Auf,
Eier Schmidt!